

# LV BRAVAZZ

IN LINGVA SICILIANA.

CVMPOSTV PER GILORM

Comes, Pitturi Saragusanu.



IN PALERMO, Per Gio: Battista  
Maringo, M. DC. XVIII.

LIBRARY

IN LIBRARY


COMPTON

1875



IN LIBRARY

1875



# LV BRAVAZZV

**M**Entri sta vita mi paria smortali,  
Sicura giuuintuti senza fini,  
Mai canuxiui ne beni ne mali.  
Mi riuuglia lu sangu di li vini,  
La forza, e l'animusa voluntati,  
Chi non mi rifrinauanu catini.  
Mai canuxxiui beni, ne peccati,  
Paura, ne giuditiu di Diu.  
Tuttu era infusu di crudilitati.  
Ad ogni mali vulia capiri iju,  
Superbu, prifintusu, impatienti,  
Comu lu mundu hauissi statu miu.  
Non putia audiri fama di va valenti,  
Di quisti braui chiù smanicaturi,  
Chi no lu ija a pruari incontinenti.  
Non parlaua autru chi fari rimuri,  
E quillu iornu chi non facia briga,  
Tuttu era basca colora, e rancuri.  
Non putia stari a casa, ne a putiga,  
Chi non axxau ammulandu la spata  
Cu studiufa, e intrica fatiga.  
O riconzandu vna fauda smagliata,  
Manichi, giaccu, inguanti, e cauzi forti:  
Quista era la mia gloria beata.

Non parlaua autru chi di homini morti  
Di dari merchi, firiti, e scannari  
Tagliari brazzi, & autri varij torti.  
Sempri mi dilittaua disfidari,  
Di sulu a sulu a fari campu chiusu,  
Chi milli voti mi vitti ammazzari.  
Vinia simana chi hauia trenta aecusi,  
Non prifumla guardarimi agüzinu,  
Chi primu non gustaffi li mei pusi,  
Fui chiù timutu affai di vn Paladinu,  
Chi non fui d'autra persuna priuata,  
Di amicu ne parenti, ne vicina.  
N'happi muglieri mai, ne innamurata.  
Et hauia milli donni a miu seruitiu,  
E tutti per paura di sta spata  
Sapianu la natura, e lu miu vitu,  
Chi cui no mi stimaua di Signuri,  
Facia di li soi carni sacrificiu.  
Quantu cammisi, e quantu muccaturi,  
E quantu cullorelli di batia  
M'eranu prifantati per timuri?  
Quanti fiati ija a la bucciria,  
Et eraci tali sulla a lu pisari,  
Chi mancu lu buccieri si vidia?  
Et iju non era iuntu in affacciari,  
Chidu buccieri cu birritta a manu,  
Signuri chi mi hauiti a cumandari?  
Et iju quantu guardaua di luntanu,  
Mera dunatu lu megliu pixxuni,  
Ch'era saluatu per lu Capitanu.

Li primi ficu , e li primu muluni  
Fina a la casa meranu purtati ,  
Senza mandari scauu ne garzuni .  
Non ndi putianu hauri li Giurati  
Cirasi, muscatellu, e pira lixxi ,  
E a mia li megliu m'eranu saluati.  
Quantu fiati non si axxaua pixxi  
Et iju l'hauia mandati boni , e fritti .  
Chi no lu pozzu diri , chi m'incirixxi ?  
Facia sti taruinari ijri fitti  
Cu boni merchi , e pumati di spata ,  
Comu a li cosi mei non ijanu dritti.  
Hauia vna voglia tantu sbardillata ,  
Chi n'era gentilhomu , ne villanu  
Chi no lu cumandassi a la iurnata  
Quandu passaua di vn migllu luntanu  
Ogn'vnu si liuaua la birritta  
E tutti per paura di sti manu ,  
Hauia vna fama tanta maliditta  
Ch'vndi si muntuna lu miu nomu ,  
Per fina a la Giustitia ija dritta .  
Quandu per casu vinia vn gentilhomu ,  
A diri a quistu n'hauiti raxuni ,  
Ch'iu senza replicari chiu , ne comu ,  
Mi la pigliaua cu li mei patruni ,  
Puru c'hauissi statu di li braui ,  
Non facia briga eccettu cu Baruni .  
Sacehiu iju quantu fiati ci mandau  
Mercati, senza auricchi, e senza nasi,  
Li loru seruituri , e loru scaui .

**D**i sti cum pagni armaticchi, e maluali  
Li faccia colpi colpi impirtufari  
Fina a li gnuni di li loru casi.  
**I**n dui, ò tri colpi ci faccia saltari  
Li spati, e li bruccheri, e li chianetti,  
Fina a li cappi ci faccia lassari.  
**L**i donni si arrascavanu li petti,  
E l'homini per tutta la simana,  
Non si partianu di sutta li letti.  
**V**n iornu si, vn' autra cosa strana,  
Chi fui di donni, e d'homini laudatu  
E fu stu casu tutta la funtana.  
**V**iju viniri ad vn' homu attaccatu,  
Chi quattru sbirri l'hauianu in putiri  
Pr'essiri senza chiu marturiatu.  
**I**ju chiau u manu, e rumpinu a fuijri  
Tutti sti quattru braui officiali,  
Poi xogliu a quillu, e lassandilu iji,  
Dipoi ndi fici vn' autra chiù immortali,  
Cu va gintil' homu chi tinia toccu  
Di vinti armati a lu so purticali.  
**I**ju passu in menzu, e passandu mi broccu,  
Sbruceadu lu bruccheri, chiau u manu,  
Et incumenzu a giucari di stoccu.  
**E**t illi cu tri spati di dui manu,  
Ci fici a tutti ijtari lu feli,  
Comu m'imputirau di lu chianu.  
**I**janu li pezzi per fina a li Celi  
Di li lapardi, e di li partixani,  
Tili cruncaua comu cannameli.

Eraci

Eraci vn scauu chiamatu gran cani  
 Brauu, peritu d'ogni specie d'armi  
 Si axxau firutu, e morfi lu indumani.  
 E si non era per vn Capitan d'armi  
 Cu gran Caualli pidani, e mazzeri,  
 Facia sunari la campana a l'armi.  
 Alcuni voti hauiacerti cimeri  
 Di ijri tutta notti passandu  
 Per tutti li curtigli, e cantuneri.  
 Sentu vna fira veniri sunandu  
 Cu sonu di lamagni, e ribicchetti  
 Vna brigata d'homini cantandu.  
 Cieranu in menzu citilluzzi schetti,  
 Cu maritati di conditioni,  
 Secundu vitti per li loru aspetti.  
 Et iju mi chiau u intra sti canti, e soni  
 D'homini, e donni a boni cutillati,  
 Chi loru spassu tornau passioni.  
 Traua di focu parianu li spati  
 Di li valenti, e brauusi cumpagni,  
 Ch'eranu chiù di trenta homini armati.  
 Et iju comu tirassi intra lasagni  
 Ija scarricandu intra li tamburella.  
 Pezzi pezzulli ieru li lamagni.  
 In quistu iettu manu a vna citella  
 Tegnula forti per sutta li xilli,  
 E fu la chiù disposta, e la chiù bella.  
 El'homini guardauanu li stilli,  
 E dubitandu di superchiaria  
 Sautauanu indaretu comu grilli.



Et iju portu sta donna cu mia  
Per forza, chera schetta, e vergugnusa,  
Chiangendu, e suspirandu per la via .  
Vna simana mi la tinni inchiusa  
Cu boni froxi, e boni maccarruni,  
Propriu comu cui si inguagia, e spusa .  
Tuttu lu iornu ci facia sucuni,  
Quādu a lu collu , quādu intra li minni  
Et a li labbra boni muzzicuni.  
Hauia li carni ianchi comu cinni,  
E quandu si curcaua intra lu lettu  
Mi facia ijri all'aira senza pinni .  
Pigliumi vna simana di diletto  
Supra di l'ottu iorni di la mandu ,  
Ch'a paricchi anni ch'ancora l'aspettu .  
Quistu fu causa chi si iettau vn bandu ,  
E fu di tantu spauentu e terruri,  
Chi non si potia ijri passiandu  
E cui si axxaua poi di li dui huri,  
Tantu cu l'armi, comu disarmatu,  
Era impicatu|comu vn tradituri'.  
Et iju mi vaiu & armu d'ogni latu ,  
Fina alli pedi cuperti di ferru ,  
Chi si hauria confusu vn Magistratu ,  
Sbruffaua per li naschi comu vn verru  
E comu schattiaru li dui huri ,  
Di lu palazzu miu subito sferru .  
Partumi caminandu cu fururi ,  
Cu certi passi spediti, & axxutti  
Ch'vn carru non facia tantu rimuri .  
Cussi



Cussi mi facia sentiri di tutti  
Tantu d'impresu , quantu di luntanu ,  
Propriu comu ruzzulassi butti.  
Iju cu la spata, e lu bruccheri in manu,  
E tantu turniai per la gitati,  
Per fina chi scuntraì lu Capitanu ,  
Trouulu chi vinia cu trenta armati,  
Di quisti sbricchi braui malandrini ,  
Chi pr'vn dinaru impindirianu vn frati.  
Et iju dilibiru vidiri lu fini  
Darci d'intra, ò perdiri la vita .  
O farici lassari li rampini  
Hor'iu m'accostu a la cita a la cita  
Cu certi passi surdi, e tantu leggi ,  
Vi comu scarpissassi merda, ò crita ,  
Dipoi rimettu cù st'homini reggi ,  
Chiauumi dintra cu la spata nuda  
Contra li bandi, e contra Priuileggi.  
Poi chiudu l'occhi, e cu vna forza cruda  
Mi lassu ijri dundi abeni abeni,  
Chi parsi vn Paladinu cu la cuda .  
Tinniru tutti d'homini da beni ,  
Li colpi foru di tanta fortizza ,  
Chi findi disertaru donni preni .  
Et iju cu la mia forza, e la distrezza ,  
Tiraua tantu spissu, e di tal sorti  
Comu capuliasse la sauffizza .  
Et illi tutti gridanda sta forti ,  
Stà forti curnutazzu autu lu Rè ,  
Chi parianu diauuli, ala morti .

Etiju vi iuru per la bona fè,  
Chi quandu sbillanzaua l'auti, e baxxi  
S'hauiria apertu l'arca di Noè.  
Scruxxia comu imbiscafai intra maraxxi,  
Lu ferru fracassaua comu vitru,  
E l'hasti li truncaua faxxi faxxi,  
Lu Capitanu ristau d'vn pullitru,  
Cu vn brucehirazzu cu li tacci d'Oru,  
Ci lu spaccai per mēzu comu vn citru.  
Quattru cu quattru sticcati ti nd'accoru,  
E quattru ndi sgarraui, chi fannu ottu,  
E chiù di deci li mercati foru.  
Hora cuntati fina ali vint'ottu.  
Qual'era tuttu quantu lu squatruni,  
Tornaru in terzu comu vinu cottu.  
All'ultimu rumperu li larruni,  
E mandaili caudi, e fracassati,  
Comu furmaggiu intra li maccarruni.  
Fù vna alligrizza, e festa di gitati,  
E quandu si cuntava la matina,  
Li genti roti roti per li strati.  
Vn'autru iornu essendu a la marina,  
Chi non si ausaua vindiri furmentu,  
Pani a la chiazza, ne mancu farina.  
Iju comu quillu chi mai staua abentu,  
Subitu vaiu vndi lu Reggituri,  
E trouulu chi staua in parlamentu.  
Et illocu fazzu tantu di rumuri,  
Contra li ufficiali, e li Giurati,  
Chi sbiguttiui lu Gguernaturi.

Si vit.

Si vitti in quillu stanti a la gitati  
Apriri vinticincu magaseni,  
Per la mia facci, e la mia Maiestatì  
Cu tuttu ch'era tristu, facia beni,  
Ancora chera tinutu per pazzu  
L'homini saggi mi vulianu beni.  
Mai vosi appressu portari ragazzu,  
E cu nullu a la spalla passari  
Quandu xia fora di lu miu palazzu.  
E comu qualchi cosa hauia di fari.  
Axxaua quattru centu seruituri,  
Chi mancu putia tantu cumandari.  
Ognunu si offeria, vaiu Signuri,  
E l'altu Signur, miu, iju vaiu intì su,  
Et hauia milli scaui tutti l'huri.  
Cui per paura di essiri riprisu,  
Cui per n'hauri dannu mi siruia,  
Et alcun'altu per n'essiri aucisu:  
Perchi sapianu la natura mia,  
Chi comu mi acchianaua la mustarda.  
Ogn'vnu suttirrari si vulia.  
Facia gridari a tutti guarda, guarda,  
Chi quandu mittia manu a lu tiniri  
Paria chi dassi focu a vna bumbarda.  
Vidiui vn sbarrattari, & vn fuiri  
Vn chiudiri di porti, e vna paura,  
Comu ad vn puntu hauissiru a muriri.  
Et iju non arrancaua di là a vn'hura,  
E forsi qualchi vota no arrancaua,  
Et illi si tinianu in sepultura.

Vn iornu fici vn'autra cosa braua,  
Chi fù di marauiglia, e di spauentu  
Di cui la vitti, e di cui ndi parlaua.  
Sappi chi m'era fattu vn tradimentu  
Pr'effiri aucifu giustu intra la chiazza,  
Et a sta cosa ci capianu centu'.  
E iju mi chiauu vna bona curazza  
Vn guardanasu, & vn bon gurgialinu,  
La spata a manu e la rutella in brazza,  
Poi nexxu armatu comu vn porcu spinu,  
E non mi axxauì stari ad autru locu  
Eccettu intra la chiazza di continu  
Vn iornu m'apparicchianu lu iocu,  
Sentu gridari a milli serra serra,  
Ad illu ad illu, mora in sangu, e focu  
Li vuci sulì attirrianu la terra,  
Facianu comu ciurma di Galera  
Quandu cùbatti, ò pùru quandu sferra.  
Et iju senza turbarimi la cera  
Rimettu cu la spata, e la rutella,  
Tutti li inculu intra vna cantunera.  
Li facia ijri munzella munzella,  
L'homini in terra scannati, e firuti  
Stauanu comu posti di sardella.  
Cui chiangia figli, cui frati, e niputi,  
Di li finestri li donni affacciati.  
Videndu ben trent'homini caduti.  
Et iju cu boni mandritti, e sticcati,  
E quaddu mi vinia qualchi riuersu, (ti.  
Cadianu a u' colpu quattr'homini arma-  
Tali

Tali chi per dauanti, e per trauerſu ,  
Parianu chiù li morti chi li viui ,  
E l'homini caduti pr'ogni verſu .  
Paricchi donni riſtaru cattiuu ,  
Quandu laſſaua ijrira xacca ligna ,  
Cadianu corſu ſcutulaſſi auliuu ,  
Lu ſangu in terra paria vna vindigna ,  
Et iju mi riminaua pr'ogni latu .  
Comu aſinu chi incappa a la gramigna .  
Tali chi ſtaua caudu, e ſcapillatu .  
Cu vna ſpatazza di quattru canali ,  
Chi paria vn trauu di ſecu allumatu .  
Ceſſi gittaua ſailli infernali ,  
Comu tiraffi cu tutti li ſdegni ,  
Intra culonni di petri fucali .  
Tali chi l'armi, li forzi, e li ingegni ,  
Di li nimici mei tantu valenti  
Ijenu per quillu chianu comu gregni .  
Riſtaru tutti ammirati li genti ,  
Chi parſi ſtu sbarattu tantu raru ,  
Quantu vn'autra iornata di innocenti .  
Hor tandu tutti di mia ſi ſgannaru ,  
E quilli chi dicianu, mora mora ,  
Cu loru dannu poi ſi caſtjjaru ,  
Nullu mi vſaua diri vna palora ,  
Chi no m'hauiffi dittu, ch'è ben fattu ,  
Si nò chi lu mitia comu ſcalora .  
Quandu paſſaua , e facia vn minimu attu ,  
Tutti mi taliauauu ſutt'occhiu ,  
Comu lu ſurci in cantu di lu gattu .

Et iju guardandu a tutti di mal'occhiu  
Forzandumi continu di portari  
Vn giaccu longu fina a lu ijnecchiu.  
**Lu Reggitturi** n'ausaua parlari,  
Lu Capitanu si fingia malatu,  
Lu fiscu stetti vn misi a passiarì.  
**Tal chi** non fui vistu, ne cercatu  
Di nulla Curti Papali, ne Reggia,  
Et era di mill'homini accusatu.  
**Si mi** vidianu cu la testa leggìa,  
No ndi parlaua lu Guuernaturi,  
Per n'essiri ietatu di la seggia.  
**Et iju** per cosa di fama, e di honuri,  
N'hauria dubitatu cuntrastrari  
Cu la persuna di lu Imperaturi.  
**Quantu** fiati mi vidia cercari  
Di st'ominazzi per cosi ciuili,  
E non sapianu macari parlari.  
**Et iju** calaua a la Curti ciuili,  
Mali per l'aguzini, e lu bagliu,  
Chi non lassaua a loru barba, e pili.  
**Ogni** Notaru staua scauu miu,  
Tandu causaua li executioni,  
Quandu era certu chi non ci era iju.  
**Comu** vidia dunari quistioni  
A quisti chi non hannu di pagari  
Lu Iudici mittia in cunfusioni.  
**Dotturi** non vsauanu alligari,  
Nixxanu putia essiri auuocatu  
Di riccu, quâdu vn pouiru hauia a dari.  
Comu

Comu vidia vn Dotturi accompagnatu  
 Di sta gintaglia cu li carti à manu ,  
 Trista la mamma chi l'hauia figliatu ,  
 Mi ci xundaua cu intrambu li manu ,  
 E tantu lu pistaua comu sali ,  
 Chi staua mēzu mortu intra lu chianu .  
 Vn iornu fici vn gestu bistiali ,  
 Veru chi di tutt'homu fui scusatu ,  
 Pr'effiri stu casu accidentali .  
 Trouumi in casa sulu , disarmatu  
 A menzu iornu , & a mēzu Giugnettu ,  
 Chi non bastaua nexiri homu natu .  
 Tali ch'era curcatu intra lu lettu ,  
 Durmia intra iornu spugliatu in ijpuni  
 Perchi la notti non hauia ricettu .  
 Hora pensati findi hauia raxuni  
 Di dormiri macari intra li stalli ,  
 Per non vidiri lu Suli a liuni ,  
 Hor cussi standu curcatu di spalli ,  
 Sentu gridari, figliu, figliu, figliu ,  
 Vuci di donni, e cussi di cavalli ,  
 Et iju cu stu rimuri mi risuigliu ,  
 Girumi all'armi, & allargu li manu  
 E poi mi lassu ijri comu vn nigliu .  
 In comu quillu c'hauia vn cori sanu  
 Non happe tempu di armarimi tuttu ,  
 Ma impugnumi la spata, e nexu in chia-  
 Paria tantu feroci, e tantu bruttu . (nu.  
 Cu vn ijppunazzu tuttu ruinusu ,  
 Paria c'hauissi annittatu vn cunduttu .



Di poi currinu a la vota di susu ,  
Mi lassu ijri ributtandu genti,  
Chi vn tauru non saria chiu furiusu.  
Trouu à cauallu supra dui iumenti  
Dui giuvinetti, e mal uasi,  
Quali m'hauianu scannatu vn parenti.  
Et iju mi iettu comu vn bucca trasi ,  
Chiauumi sutta , & afferru lu frenu  
E vna iumenta cu li grigni rasi,  
E quistu per non perdiu terrenu ,  
S'allarga per toccari li spiruni ,  
Et iju in dui colpi lu cassu , e inuenenu.  
Di poi ci appizzu l'vgna intra l'arsuni .  
Cu tanta forza murmura , e tempesta ,  
Chi paria vn veru gattu a lu pulmuni .  
Et illu rinigandu ad ogni festa ,  
Non barbigiaua eccettu cu la bucca ,  
Et iu in dui colpi ci tagliu la testa.  
Lu so cumpagnu scappandu imbaducca ,  
Sintiu li gridati di luntanu ,  
Propriu comu china quandu sbucca.  
Et iju mi giru cu la spata a manu ,  
A l'autra manu la testa tagliata ,  
Chi parsi troppu spettaculu stranu .  
Mi parsi hauiri fattu gran iornata ,  
Pr'essiri xutu cussi a la sdirutta ,  
Senza armi , senza maglia ala sbracata .  
Iettu la testa fracassata , e rutta ,  
Tornu a la casa , e mutumi pristizza ,  
Comu m'hauissi cacatu di sutta .

Parli

Parli ad ognunu vna gran vatintizza,  
Et vn crudeli gestu di notari,  
Et a mia parsi ciuili baxizza.  
Vn'autru iornu viju cuntrafari  
Dui giuuiini feroci, ben'armati,  
Credendumi vidirli ammazzari,  
E poi non eran'autri chi gridati  
Cu ingiurij, e mentiti cu minazzi,  
E mai misiru manu per li spati.  
Et iju chi sempri li tinni per pazzi,  
Quistomini valenti cu li bucci,  
Chi teniri si fannu intra li chiazzi.  
Et illocu partu cu li mei trabucchi,  
E chiauumi dauanti a intrambu dui,  
Comu vna china quandu mina zucchi.  
Et illi intrambu gridandu non chiu,  
Non chiui Signuri per lu amur di Diu,  
Chi nui n'hauemu a partiri cu vui.  
Et iu quandu arrancaua n'era iju,  
Era vn dimoniatu, & vn mal'homu,  
Fina chi mi passaua lu buliu,  
Dugnuci deci chiattunati pr'homu,  
E l'vnu ristau zoppu, e l'autru mutu,  
Chi mai chiù sappi diri lu so nomu.  
En'autra fira sentu aiutu aiutu  
Gridari certi donni a li tri huri  
Comu ci hauissi statu homu firutu.  
Et iju mi partu, & attrouu vn rimuri  
D'homini pr'vna donna dishonesta,  
Facendu briga per cosi di amuri.

Et iju mi partu, & attrouu vn rumuri  
D'homini pr'vna donna dishonestà,  
Facendu briga per cosi di amuri.  
Et iju stringiu li denti, e fazzu testa,  
Comu vn biffinu in menzu di li luzzi,  
Massima quandu ci è la cani in gesta.  
Quantu mi attrouu in menzu certi guzzi  
Ch'eranu eerti gentilhominicchi,  
Chi non sapianu arrancari firruzzi.  
E fazzuci lassari li spaticchi,  
Li cappi stracangiati, e li capelli  
cu tutti quanti li loru brucchiricchi.  
Guarda si foru veri garzunelli,  
Chi si aucidianu per li innamorati,  
E poi lassaru a mia loru citelli.  
E trouu quattru donni scapillati,  
Ch'eranu quattru Ninfi belli, e braui,  
Chi mi restaru in eternu obligati.  
Et iju chi sempri assai mi dilittauu  
Di saguriri donni curtixani,  
Perchi li putia vindiri per scaui.  
Comu non mi denauanu per pani,  
Per vestiri, per spendiri, e sfurgari,  
Li maltrattaua chiu peiu di cani.  
Tali chi di prisenti, e di dinari  
Staua prouistu, e dogni vittouaglia,  
Et iju non facia eccettu passari.  
Mustraua a tutti li inguanti di maglia,  
Cu vna chianetta fina intra li giglia,  
Ad ogni tempu bramandu battaglia.  
A mia

A mia non era tanta marauiglia  
Si di continu sempri guerriggiaua,  
Chi non pensaua a campari famiglia.  
Vn iornu viju passari vna scaua,  
Cu vn brauu plattu, & vn pastizu spātu  
Chi lu guuernaturi lu mandaua.  
Et iju spiratu di lu zelu santu,  
Lu fazzu dari ad vn puuirellu.  
E poi ci strazzu la facci, e lu mantu.  
Girau la scaua comu vn surfarellu,  
Cu l'occhi rutti, e li naschi spizzati;  
Chi misi in barbutizzu lu castellu.  
Subitu xeru quaranta suldati,  
Mandati a posta a ijrimi cercandu,  
Chi misiru in tumultu la gitati.  
Et iju mi acconzu lu scutu, e lu brandu,  
Pigliumi vna vanella chi no xia,  
E la li staua in ordini aspettandu.  
In quistū spunta vna gran cumpagnia  
Di genti armati, e multi laparderu,  
Currendu tutti a la vota di mia.  
Et iju mi tiru quattru passi arrieri,  
Iettu la cappa, e tutta a vn tēpu arrācu,  
Trasū di punta, e paru di bruccheri.  
Poi cu mandritti e riuersi per xancu,  
Comu si hauissi iucatu di smarra,  
Cussi non mi putia vidiri stancu.  
Non vi pensati ch'iu rumpa nē sgarra,  
Ma cussi mi lanzaua intra li spati,  
Comu vn maiali in menzu la limarra.

**Et illi cu gran strepit, e gridati,**  
**Facianu comu propriu li ciauli,**  
**Quandu a li ficu iunginu affamati.**  
**Et iju comu hortulanu intra li cauli**  
**Sempri iettaua a tagliari li pedi:**  
**Nd'happiru quantu li beati pauli.**  
**Ogni Romanu spettaculu cedi**  
**Appressu quistu miu, ch'in pocu botti,**  
**Fici infiniti danni a multi heredi.**  
**Sempri mi paria dari intra ricotti:**  
**Se incominzau sta briga di complita,**  
**E durau fina a dui huri di notti.**  
**Nixiui senza hauiri vna frita:**  
**Sautu di banda intra lu scuru scuru,**  
**E illocu saldu l'honuri, e la vita.**  
**Comu mi vitti luntanu, e sicuru**  
**Mettu à gridari canaglia, curnuti,**  
**Et illi tuppiauau lu muru,**  
**Tali chi tutti si axxaru firuti,**  
**E morfirundi vinti auanti iornu,**  
**Di li chiu forti, e chiu braui tinuti!**  
**Hora diliberai di ijri a tornu:**  
**Mi parsi dubitari di giustitia**  
**No mi facissi qualchi dannu, ò scornu.**  
**Dipoi mi pentu, e pensu sta malitia,**  
**Starimi in casa tri iorni ammucciato,**  
**Per vidiri a chi xia sta nimicitia.**  
**Lu primu iornu fui forgiudicatu,**  
**Comu ribellu di sua Maiestati,**  
**E cui mi ammazzà, sia remuneratu,**  
**Et vl.**

Et vltra chi farianu perduñati,  
Cui ci hauissi portatu la mia testa,  
Ndi hauianu premiu di milli ducati.  
Tali chi si vidia tanta timpesta  
Chi fina sutta terra mi cercaru,  
Per farindi di mia crudili festa.  
Et iju staua sicuru intra vn pagliaru,  
Armato, sulu, e cu li porti, aperti,  
Chi si staria chiu forti intra vn pullaru,  
Ma quali genti non eranu certi,  
Chi di quill'hura chi spidiu la briga,  
Non mi chiauau i intra milli deserti.  
Si staua cu vna pena, e vna fatiga,  
Tantu mi disiauanu truaru,  
Chi per tri giorni non s'apriu putiga.  
All'ultimu passau quistu parlari,  
Tristu è laucisu chi aspetta vindetta,  
Ch'iu di quill'hura putia passari.  
Mi sentia tantu cu l'anima afflitta,  
Per quattru iorni chi mi vitti inchiusu,  
Chi sautai fora comu vna saitta.  
Chiu tostu mortu, ch'essiri spagnusu:  
All'ultimu mancauami fuijri.  
Si hauissi hauutu incontru superchiusu.  
Cu sta superbia mettu a cumpariri  
Dauanti trenta aguzini Reali  
Ch'ognunu si fingiu no mi vidiri.  
Quali superbu spiritu infernali  
Non hauria fuiutu d'ogni parti  
Et iju ija appressu di li ufficiali

Criju si haurissi statu lu Diu Marti ;  
Di sta prisintioni, e di stu casu ,  
Di bottu lu facianu milli quarti .  
Massima ch'era crudili, e maluasu  
A quillu tempu lu Guuernaturi,  
Chi mancu cumpurtaua musca a nasu.  
Cu tuttu quistu non passaua troppu huri,  
Chi desi chiu di deci ciattunati  
Ad vnu chi hauia deci seruituri .  
Guarda s'era homu di gran qualitati ;  
Quista persuna quali maltrattai,  
Chi ija cu deci a spassu tutti armati.  
Non pr' autra causa, perchi lu guardai,  
Mi dissi c'hauia troppu di arruganza,  
Perchi passandu, non lo salutai.  
Et io non mettu, tempu, ne speranza ,  
Ma lassu ijrì cu tuttu lu fodaru,  
Non pr' autru chi per darici crianza.  
Sindi hauria sintutu lu Iodaru ,  
Tantu la spata scuppaui di chiattu ,  
Ch'intra li spalli ci restau lu modaru .  
Li seruituri arrancaru ad vn trattu,  
Per farimi chiu peZZi di tunnina,  
Et iu in tri colpi tutti li sbarattu .  
Si iju li volia mettiri in ruina ,  
Dandu di tagliu a modu di bucchierì,  
Tagliatu li hauria di vina in vina.  
Hauia vn spata larga, & vn bucchierì,  
Ch'a vo modu di parlari era bastanti  
Disbaguttiri Orlandu di Quarteri ,  
Lu



Lugiaccu, li mei manichi, e li inguanti,  
Erano chiu massici e risblandenti  
Di vn caru furbitissimu diamanti.  
Subitu dittu fu a lu Presidenti  
Stu nouu casu, sta gran marauiglia,  
Et illu all'hura mi facia in Punenti,  
Misi arrumuri tutta la famiglia,  
Gridandu forti, comu, comu, comu,  
Quistu passija, e nullu lu piglia.  
Subitu manda lu so Maiordomu,  
Chi si pigliassi li informationi,  
E dimandassi beni lu so nomu.  
Si axxaru cincocentu testimoni,  
Tutti in saguri di la mia raxuni,  
Senza alligari reprobationi,  
Fui perdunatu, non iri prixuni,  
Lu Presidenti mi vossu in quill'hura,  
Sulu per contemplari sti fazzuni.  
Non facciu si fu colora o pagura,  
Auzandu l'ecchi a mia lu Presidenti,  
Si fici friddu, e trimau chiui d'vn'hura.  
E tantu ci tremauanu li denti  
Di la sua bucca, e chiu poi la palora,  
Chi ija per diri, e non mi dicia nenti.  
Tali chi a tutti ndi mandau di fora:  
Iu restu intra la cammara con illu,  
Negotiandu, chi tali fussi hora:  
Fammi arristari a mangiari con iliu!  
Ficimi chiu carizzi a lu mangiari,  
Chi no ndi hauria fattu a vn piccirillu.  
Tali

Tali chi semprî mi facia ristari,  
E tutti l'huri mi facia banchetti,  
Nun pr'autru, chi pr'audirimi brauari.  
Mangiandi pocu putaggi, e brudetti,  
Blancu mangiari, capuni, e pernici,  
Diuerfi fausi, e diuerfi confetti.  
Vaia per quandu disiju radici,  
E quandu staiu tri iorni affamatu.  
Quillu fu tempu prospiru, e felici.  
La sira mi mandaua accumpagnatu  
Cu deci intorci, e deci lapaderi,  
Como Conti, ò Marchisi hauissi statu,  
E pr'accurzari, mutai di pinseri,  
Mi vinnî voglia vidiri lu mundu,  
E li baxxizzi lassari d'arrerî.  
Desiderandu vidiri lu fundu  
Di li battagli, passau in Lumbardia,  
Pr'axxari paru, ò veru lu secundu,  
E tantu stetti in quista fantasia  
D'essiri vn'homu armigeru, e potenti,  
Fina chi desi notitia di miâ.  
E tali foru li mei primi accenti  
Ch'ogni signuri di terra, e di statu  
Hauia di caru farimi prisenti.  
Tantu chiu ch'era di tutti laudatu;  
Per la mia fama, e per lu miu valuri  
Di Conti, e di Marchisi era stimatu.  
Tali chi staua in tantu di saguri,  
Per lu miu modû, e p la mia eloquêtia,  
Ch'hauia Caualli, scaui, e seruituri.

La

La vista fù la di la mia prisenzia,  
Facia pariri quantu era bastanti,  
Senza cumpliri cu la spirientia,  
Perchi era tantu dispostu, e galanti,  
Chi tutti li brauizzi chi fù in terra,  
L'hauia sculpiti darrereri, e d'auanti.  
Vn iornu mi successi fari guerra,  
Cu vn Caualeri valenti, e famatu,  
Criatu di lu Rè d'Inghilterra.  
Et era vn'homu raru, e sprimentatu,  
Mafiru di guerra, surgenti maiuri,  
Et era in tutta Italia aduratu.  
Guardati s'era persona d'honori  
Stu Caualeri quali mi scummissi,  
Chi fù copperi di lu Imperaturi.  
M'happi di diri ch'era vn discurtisi,  
Ruffianazzu di fama, e di vita,  
Di vn vil sangu, e di vn vili paìsi.  
Et iju ci dugnu vna braua mentita,  
Comu vigliaccu superbu, villanu,  
A proua d'armi, e battaglia finita,  
In diri sti palori, chiauu manu,  
Chiauandu manu, si mettinu in menzu  
Lu Duca d'Alba, & vn gran Capitanu.  
Tali chi l'armi non happiru senza,  
Di li palori ristau la mintita  
A lu vigliaccu chiu amara chi incenzu.  
Criju chi mai neruati, ne firita  
Si desiru cu tantu giustu honuri,  
Com'iu cu tali risposta spedita.

Maffi.

**M**assima in menzu di tali Signuri,  
Pigliandumila cu tali persunaggiu,  
E ficilu per colpu mentituri.  
**F**u di bisognu mutari curaggiu  
Stu Caualeri, restandu affruntatu,  
Ogn'vnu lu tinia per troppu saggiu  
**M**assima essendu vn'homu riputatu  
Valenti, per non perdiri la fama,  
Ci conuiniu chiamarimi a sticcatu.  
**E**t iju chi sempri campu cu sta brama,  
Cumbattiri cu vn'homu valurusu,  
Per vidiri di mia l'ultima trama.  
**S**i misi lu cartellu, e fu conclusu,  
Di sulu a sulu cu spata, e laparda,  
Mi desi la iornata a campu chiusu.  
**H**auia la cera, e la forza guagliarda,  
Era dispostu longu di persuna  
Comu vnu quandu sta a cauallu in bar.  
**E** chi n'happi mai paura alcuna (da.  
Di curti, e di li longhi mi ridia  
Si hauissi iuntu per fina a la Luna.  
**M**ettumi in puntu comu conuinia,  
Desimi campu lu Duca di Baliu  
Chi iju la fama fina in Picardia.  
**F**u tantu lu concursu di quillu baliu,  
Per vidiri dui rari cumbattenti,  
Chi paria propriu curriri a lu paliu.  
**T**ali chi lu squattruni di li genti  
Di Lucca, Siena, di Firenze, e Pisa,  
Vinianu comu tocchi di iumenti.

**E**t

Et jiu desiderusu di la imprisa,  
Essendu d'un nobil' homu disfidatu,  
M'apparicchau vna braua diuisa.  
E illu vinni cu vn Marchisi a latu,  
Et iju cu lu Baruni di lu Trecchi,  
Trasemu tutti a vn tempu a lu sticcatu.  
Pariamu dui feroci, e braui becchi,  
Friscauanu li trumbi d'ogni parti,  
Chi paria vn veru ragghiari di xecchi.  
Vinniru li capituli, e li carti,  
Fu elettu lu Marchisi di lu Gualtu,  
Per giudicari l'vna, e l'altra parti.  
E iju eh'era immizzatu a fari gualtu  
D'homini prisintusi senza cuntù,  
Tinia quistu per miu picciulu pastu.  
Foru li daghi, e li lapardi a puntu,  
Dunati a proua di martellu, e d'axxa,  
Per non capiri astutia, & affruntu.  
E poi chi data fù l'ultima taxxa,  
Ficimu l'vnu a l'autru riuerentia,  
Comu s'hauissi a danzari la baxxa.  
Tali chi innanti di tanta prisentia,  
Cu li furbiti, e splendenti lapardi  
S'incaminzau la nostra diferentia.  
E per vidiri distrizzi guagliardi,  
Staua lu chianu di genti stipatu  
Propriu comu vn barrili di sardi.  
Et iju braufu in menzu lu sticcatu,  
Cu la laparda faccia vn straittari,  
Chi paria comu straisli filatu.

E qui-

E quistu mi incumenza a turniari  
Cu certi gesti superbi, e brauazzi,  
Cercandumi di putirmi gabbari.  
Et iju mi adugnu di li soi intrilazzi,  
Trauersu la laparda, e lassu iji,  
Comu s'hauissi a tagliari purrazzi.  
E quistu vidi lu colpu viniri,  
Cumbatti sutta manu, e passu auanti:  
Cercandu di putirisi spartiri.  
Et iju chi staua accortu, e vigilantu,  
Mi ijanu l'occhi comu argentu viu,  
Sautaua comu propriu Leofanti.  
Poi staua cu lu miu superlatiuu,  
Cu la laparda indrizzata a lu pettu,  
Chi lu vulia passari comu vn criuu.  
Ma quistu ch'era di l'armi perfettu,  
Mi fici gestu di persona goffa,  
Sautaua comu propriu tuppettu,  
Tali chi m'era vn mercu, & vna boffa,  
Tirandu lapardati d'ogni parti,  
E poi no lu passari comu coffa.  
Si n'era prestu a truuari riuersu,  
Vrtandulu di colpu comu vn tauru  
M'hauianu giudicatu pr'homu persu  
Poi mettu manu a lu pugnali d'auru,  
Ch'era inauratu per fina a lu pumu,  
Per darici lu pessimu restauru.  
E quistu vidi chi tantu prifumu,  
Leuami la laparda di li manu,  
Per farindi di mia puluiri, e sumu,

Et

Et iju l'abbruzzu cu intrambu li manu ,  
E tantu cu li pedi lu imbarbugliu ,  
Per fina chi lu scoppu intra lu chianu .  
E cussi l'armi ci leuu , e spedugliu ,  
Chi tinia dui lapardi , & vn pugnali  
Comu liuassi la scuma ad vn bugliu .  
Quistu si vidi a stu passu finali ,  
Facia gran forza e in facci tuttu scula .  
Ch'era comu Diauulu infernali .  
E iju ci mettu la daga a la gula ,  
Propriu comu quandu vn maniscalcu  
Voli tagliari la cuda ala mula .  
E quistu senti lu crudili incarcu ,  
Piglia cu intrambu li manu la daga ,  
E ficimila storta comu vn arcu .  
Guarda distrizza diabolica , e draga ,  
Chi l'hauia sutta disarmatu , e prisu ,  
E poi non ci bastaua fari chiaga .  
Veru chi staua palidu a lu visu ,  
E per cumuni , e firmatu giudiciu  
Ogn'vnu si cridia chi l'auia aucisu .  
Et iju per non ndi fari sacrificiu ,  
Tri voti ci gridai chi s'arrindissi ,  
Et illu mi dicia fa lu to officiu ,  
Hora cui tanta superbia hauissi ,  
Chiu tostu vulia perdi la vita ,  
Chi di la sua palora si sdcicissi ,  
Et iju per fari sta guerra finita ,  
Tiru cu tuttu lu pugnali stortu  
Per fari ci drizzari la partita .

Et a



Et à stu propriu tempu staua accortu  
Tuttu lu Magistrato, e lu Marchisi,  
E summi dimandatu pr' homu mortu.  
Et iju per non mustrari discurtisi,  
Lassu lu mortu per forza, e raxuni,  
Comu m'hauissi pagatu li spisi.  
Spararu li trumbetti, & li trumbuni,  
Pifari, Buttafochi, e corna musi,  
Cu milli concertati vijuluni.  
Et vltra milli laudi gloriosi,  
Ristau lu Caualeri perdituri,  
Comu lu mortu intra li visitusi,  
Et iju cutanta di festa, e d'honuri,  
Fui conduciutu per tutta Ferrara,  
Chiparia vn veru propriu Dotturi.  
Lu Trecchi, e lu Marchisi di Piscara (lu  
M'hauianu misu i mēzu, & iju a Causal.  
Comu si hauissi statu intra vna Vara.  
Et iju cu vn catinuni di Mitallu  
Cu vna birritta ruffa impinaechiata  
Paria superbu chui, chi non è vn gallu  
Paria la Illustri, e digna caualcata  
Comu vna grossa posta di sumeri  
Di ciacucentu salmi la purtata.  
Tali chi per dauanti, e per darrerri  
Lassauanu cuperta la campagna  
Tutta di puluirazzu, e di sumeri.  
Di modu chi si sappi fina a Spagna  
Ieru li littri, e ieru li cartelli  
Per tutti li Signuri di Birtagna.

Et iju

Et iju famatu per terri e castelli ,  
Accusi staua supra li valenti ,  
Comu la morti supra li citelli .  
Hora pensati si staua cuntenti ,  
Chi cumandaua sutta la mia sola  
Persuni Illustri digni, & eccellenti.  
E poi triunfandu à sonu di viola  
Cu tanti seruituri passandu ,  
Chi paria vn veru Maistru di scola .  
Tutti li genti mi ijanu guardandu ,  
Et iju cu boni ijppusi di rasu  
In menzu gran Signuri conuersandu.  
Et vndi si parlaua qualchi casu ,  
M'axxaua sempri a parlari eleganti ,  
E colpu colpu dicia, cuius casu.  
Cussi di pocu in pocu iju i innanti ,  
E vinni in tali gradu, e signuria ,  
Chi putia dari guerra a lu Liuanti.  
Fui Capitanu d'vna infanteria ,  
Cercata intra dui milia banderi ,  
Ch'era per dari sconzu a la Turchia .  
In Italia cu milli Caualeri  
Non parlaua autru chi punti d'honori ,  
D'armi, Caualli , Castelli , e Galeri  
Mi vitti in tanti gratij , e saguri ,  
Chi per la fama, e per lu miu risguardu ,  
Non era eccettu chiamatu Signuri.  
Fu tantu brauu, dispostu, e guagliardu ,  
A tutti li battagli di Piamunti , ( du.  
Chi iju sui lu primu chi chiatai stindar-  
Mai

Mai mi ricordu girari a fronti,  
Fici proui cu l'armi alli manu  
Chi no ndi fici tantu Rodamonti.  
Cussi stimaui lu gran Capitanu  
Purtarimi continu a la sua spalla,  
Comu purtassi vn' Ettore Truianu.  
Et iju cu vn brauu Cauallu a la stalla  
Mustraua milli signi di virtuti  
Cu chiu liggizza chi non è vna balla.  
Guastraua l'annu du milia scuti  
Dunati di lu Rè per lu miu plattu,  
Chi putia fari cantari li muti.  
Ogni palora, & ogni minim'attu,  
Quandu parlaua di cosi di guerra,  
si vidia in opra, e laudauisi in fattu.  
Quantu gitati, e quantu genti, e terri,  
Su fattu forti per lu miu giudiciu,  
Eteranu di primu boschi, e ferri.  
Non pensaua autru chi fari artificiu,  
Mineri, trumbi, e trabucchi di focu  
Per contra ad ogni contrariu giudiciu.  
Era vinutu in tantu a pocu a pocu,  
Ch'iu sapia certu non hauiri paru  
Di vecchiu, ne modernu a nullu locu.  
Mutau lu tempu, e li Rè s'accurdaru,  
Ficiru paci quitaru li Regni,  
E lu disinnu miu mi nixxiu sparù.  
Non si stimaui chiu forza ne ingegni,  
E li famusi cori ieru erranti  
Priui di sodu, confusi cu sdegni.

Subi-

Subitu foru spiditi li infanti  
Mastru di campu , e multi caualeri  
Mutaru di propòsitu ad vn stanti.  
Mi fu bisognu mutari pinseri  
Videndu tali illustri Capitani  
Lassari l'armi, & auzari banderi.  
Fu vna alligrizza di li Christiani ,  
Ma non per quilli pouiri suldati  
Chi non hauianu chiu sodu ne pani .  
Iju mi partiui cu milli ducati ,  
E innanti chi mi vitti a sti paifi ,  
Mindi spidiui chiù di la mitati.  
Mindi intratinni per paricci missi ,  
A non fari autru chi spendiri largu ,  
Chi hauria statu troppu ad vn marchisi  
Era imparatu comu nigliu a tardu ,  
Chi si lu sodu no mi vinia mancu ,  
Putia mill'anni passari largu .  
Trouumi di lu mundu tantu stancu ,  
Chi mi disposi fari giuramentu  
Non mi vidiri chiù spata a lu xancu .  
Mutai natura, mutai pensamentu  
E tanta fama, e guagliardia passata,  
Disparsi comu vn'vmbra, e comu vn vè  
La vurria sempri putari arrancata. (tu.  
Cu tuttu chi su vecchiu, & a la fossa,  
E fari sempri crudili iornata.  
Mi vonnu tutti maltrattari st'ossa ,  
Nò pr'autra cosa, perchi sugnu vecchiu  
Quantu è sta mala vicchizza percoffa.

Iu ben canuxxu, e non ci vogliu specchiu ,  
Passa cent'anni chi sentu cuntari ,  
Gui campa a quistu mūdu si fa vecchiu .  
Per quistu ogn'vnu mi vò sdilliggiari;  
Ogn i figliuolu mi vò fari guerra ,  
Perchi su tantu di longu campari.  
Su disijusu ijri per la terra ,  
Chi n'haia milli strepiti di canni ,  
Colpi di taiu, e pignati di terra.  
Non bastanu li mei crudili affanni  
Di tanta amara, e crepita vicchizza,  
Chi passau chiu di centu e fidici anni ,  
Si fannu braui cu la mia stracchizza ,  
Vndi maffettu a diri la curuna ,  
Mi trouu turniatu di mundizza .  
Guardati in chi m'ha riduttu la fortuna ,  
O puru l'infiniti mei peccati ,  
Chi iocarellu su d'ogni persuna .  
Mi chiamanu li donni per li strati  
Cu finitioni vuliri consigliu,  
E poi mi dannu milli naticati .  
Sti iorni mi pigliaru intra vn curtigliu  
Vna brigata di belli citelli ,  
E mi pilaru tuttu comu vn nigliu .  
Et comu la cucca a li cimbelli ,  
Dapoi chi tuttu ben mi furiaru ,  
Mi turniaru a colpi di chianelli.  
E tantu per la terra mi stricaru,  
Chi quandu potti xiri a ruzzuluni ,  
Ci persi la birritta , & vn cauzaru.

O li pixxati, caiordi, manguni,  
E quando li pigliaua à dainu pintu,  
Perchi tandu no m'eranu patru di?  
Hora chi sugnu di vecchizza auuntu  
S'hannu pigliatu certi citillazzi,  
A dirimi vecchiu orbu, vecchiu tintu.  
O li sfardati, e veri scassatazzi,  
E quandu ci mettia li faudi in collu,  
Perchi tandu per mia nixxianu pazzi?  
Haiundi pocu scritti a lu miu rollu,  
Di multi prisi cu li minni in terra,  
Et hora su chiamatu vecchiu follu.  
Vaia per quandu daua tanta guerra,  
Chi l'homini, e li donni li faccia  
Chiauari milli canni sutta terra.  
Sti iorni fui chiamatu a vna Batia,  
Chi la batissa mi vulia parlari  
Di certa cosa chi mi giuuiria.  
Hor cui bastassi cridiri e pensari,  
Chi dintra d'vna Chiesa sacrata  
Si ci diuissi vn vecchiu maltrattari?  
Partumi per sapiri la imboxata  
Di la Batissa, e monachi deuoti,  
Cridiami hauiri la bona iornata.  
Trafendu tutti quilli batieti  
Iettaru li cuxxina o li lauuri,  
Chi mi parianu veri terremoti.  
Li scaccani, li risa, e li rumuri.  
Chi mancu folli, spirdati, o imbrichi  
Purrianu dari simili terruri.

Gridandu vecchiu folli chi ti cachi  
 E tutti a vn tempu si lassanu iiri  
 E jettanumi manu intra li bracchi,  
 In quistu tempu giru per fuijri,  
 E trouu tutti li porti ferrati,  
 Chi mancu musca ndi bastaua xiri.  
 Hor mi pigliaru senza pietati,  
 Perchi di loro non potti scappari,  
 E m'axxai intrambu li cugliuni vnxati.  
 Di modu chi non bastu cumpurtari,  
 E m'hannu tantu inira li persuni,  
 Chi non mi ponnu vidiri campari.  
 Cridiami hauiri boni maccarruni,  
 Di la batissa, e megliu rauoli  
 Et iju ci hauia lassatu li cugliuni.  
 Tali chi troppu mi rincrisci, e doli  
 Di stari a quistu mundu triuulusu:  
 Su vecchiu, e sugnu iocu di figlioli.  
 Di passari sugnu di sijusu,  
 Chi subitu ch'apparu per li strati,  
 Tutt'homu grida, vecchiu guallarufu.  
 Oli beccazzi, curnuti, crastati  
 Quandu muntaua li loru muglieri,  
 Perchi m'eranu scaui incatinati?  
 E quandu cu la spata, e lu bruccheri  
 Li asicutaua squatruni, squatruni,  
 Perchi non la facianu di guerreri?  
 E quandu à milli di loru patruni  
 Li facia iiri ad orsa sutta ventu  
 A colpi di acruati, e di bastuni?



Et hora chi mi cacu, e non mi sentu,  
Pr'essiri tantu vecchiu squacquaratu,  
Mi trouu assidiatu di dui centu.  
Su disiusu di stari assittatu  
Innanti qualchi porta, ò limitaru,  
Chi subitu mi trouu inturniatu.  
E si ci dicu datimi vn dinaru  
Quantu m'accattu vn'amara cullura,  
Mi dicinu, và vecchiu piditaru  
Tali chi sempri staiu cu paura,  
Vltra di milli virgogni, e intramisi,  
M'appendinu li corna a la cintura.  
O'li beccazzi, becci discurtisi  
Quando la vonnu fari di li braui  
Tandu su becchi, e curnuti in palisi.  
Et a lu tempu miu ci castiaui,  
Cu boni corna appisi, e boni nerui.  
Li loru nanni e li loru proai.  
E quilli chi parianu chiu proterui,  
Mi stauanu dauanti scapillati,  
Propriu comu scaui e comu serui.  
Et hora chi su tuttu infirmitati  
Vicchizza m'è d'ogni mali,  
Tutti li picirilli vannu armati.  
Non viju eccettu spatocchi, e pugnali,  
Tiniri laurati cu ritorti,  
E fanundi di l'armi pompi, è gali.  
E poi cumpurtirannu milli torti,  
E comu spati vidinu arrancari,  
Si fannu comu propriu li morti.

E non

E non fannu antru si nò sdilligiari  
A poveri & a vecchi mal visiti  
E poi non fannu macari mangiari.  
Puru c'haianu brachi di villuti,  
Cammissi pinti di varij coluri,  
Non curirianu d'effiri curnuti.  
E quandu maltrattaua tutti l'huri,  
Perchi non si burlauanu di mia,  
Li loru sbardillati anticiffuri?  
Hora chi chiù non viju, per la via  
Mi sonanu li porti, e li banchati  
Et ogni piccirillu mi ingiuria.  
Tali chi non ci è nulla caritati,  
Passau lu tempu ch'era comu vn meli  
E non ci è iorni chiù di libertati,  
Non farria eccettu bumbicari feli.  
Pensandu quillu ch'hauu vistu, e viju:  
Iettiria focu, & ardiria li Celi.  
Tantu la morti mi bramu, e disiju,  
E tantu mi mulesta lu campari,  
Ch'è marauiglia comu nom'auciju.  
Vi pregu mi vogliati perdunari,  
S'hauu parlatu vna pocu scorrettu,  
Perchi mi fa la colora sparlari,  
E la vicchizza è tantu gran difettu,  
Massima iunta poi cu pouertati  
Chi ceca lu vidiri, e lu intellettu.  
E per chiù mia crudili infirmitati,  
Chiù pena eterna, chiù chiaga mortali  
Pensandu a tanti mei prosperitati.

Hora

Hora cu vostra licentia riali  
Concludu senza fini, e quà vi lassu,  
Auanti chi si chiuda lu spitali.  
Mi partu scunfulatu passu passu  
Culmu d'affanni, e di tanti autri mali,  
Chi sugnu di la morti iocu, e spassu,  
E di stu mundu nemicu mortali.

I L F I N E.



A01 1464387

THE  
LIBRARY  
OF THE  
MUSEUM  
OF  
COMPARATIVE ZOOLOGY  
AND ANATOMY  
OF THE  
MUSEUM OF  
COMPARATIVE ZOOLOGY  
AND ANATOMY  
OF THE  
MUSEUM OF  
COMPARATIVE ZOOLOGY  
AND ANATOMY

1891



AOI 1464 382